

S **LO**
Afl. 1.25

BRIYANDO FUERTE • TRECIENDO CLARIDAD
DIABIerna 18 OCTOBER 2024

Di Pueblo



WWW.SOLODIPUEBLO.COM



SOLODIPUEBLO@GMAIL.COM

PARTIDO RAIZ A ALINEA CU AVP PA SACA VENGANSA

Integridad di e etorno di Raiz ta na
werki

Loke a sosode den parlamento ta un wega di mucha chikito, unda poco politico kier a saca vengansa politico. Un Raymond Kamperveen a declara cu Endy mester a baha, pa laga e investigacion tuma lugar. Que baina: Endy no ta sospechoso y Endy no tin ni arti ni parte den loke a sosode. Ta mescos cu si por ehempel un ruman di Kamperveen of di Raymond a haci lago

malo, anto mester culpa Kamperveen of Raymond.

Den ki mundo di fantasia nan ta biba? Ursel a laga su partido leun cu AVP, pa kita Edgard, pa kita Setty y pa kita Endy. Ken ta sigui awor? Evelyn? Partido Raiz y Ursel Arends a para bira un berguenza cu ta tene man cu Benny. Nos lo sigui informa pueblo di e integridad di Raiz.

INVITACION

**JOIN TEAM ENDY CROES
SALIENDO DI NOORD Y STA
CRUZ PA ENTREGA LISTA**

**POLITICA NOBO Y
MODERNO A DECEPCIONA
MEP ta e unico Partido
cu por ofrece estabilidad
politico, economico y
financiero na nos pueblo**



AWE TIN ENTREGAMENTO DI LISTA DI PARTIDONAN POLITICO

**AWE E TRUCK MOBIL
DI ENDY TA SUBI
CAMINDA; BAN
ENTREGA LISTA !**



Cuminsando cu 4 florin, bo por gana e suma grandi aki

Afl.

2.100.000,-

Obtenibel na cualquier rebendedo di Lotto.

sorteo ta diasabra anochi 7:45 pm





HUNGA AWO



Prome Minister Evelyn Wever-Croes:

PUEBLO DI ARUBA A DUNA GABINETE WEVER-CROES E CONFIANSA PA SACA E PAIS FOR DI E CRISIS Y GABINETE WEVER-CROES A CUMPLI

Bou liderazgo di Prome Minister Evelyn Wever-Croes, un lider integro cu transparencia total, y cu un vision cla pa e bienestar y desaroyo di pais Aruba



Gabinete Wever Croes II, durante e ultimo añanan di gobernacion a goberna Aruba na un manera responsabel. A traha riba e estabilidad di e pais y awor ta percurando pa e progreso wordo traduci den prosperidad pa cada ciudadano di Aruba.

A trata di añanan di trabou duro di cada ministerio bou liderazgo di Prome Minister Evelyn Wever-Croes, un lider integro cu transparencia total, y cu un vision cla pa e bienestar y desaroyo di pais Aruba.

Cu determinacion, Gobierno di Aruba a traha pa trece finanzas di Aruba bek riba e rumbo di progreso y na e momento aki Aruba por mira e resultado di e bon maneho financiero di Gabinete Wever-Croes. Mas ainda, varios instituto

financiero internacional manera: Fondo Monetario Internacional (IMF), Fitch Ratings; Economisch Bureau Amsterdam (EBA) y Banco Central di Aruba a comproba y elogia e resultado di e bon maneho financiero di pais Aruba.

Actualmente, Finanzas Publico di Aruba ta bayendo bon, turismo ta marcando cifranan record haciendo cu e economia ta creciedo constantemente.

E desempleo a baha mustrandando cifranan record y inflacion tambe a baha. Otro logro grandi y importante ta, cu manera Gobierno a priminti, empleadonan publico a haya e prome parti di e indexing y lo haya e siguiente na januari 2025. Tur e echonan aki ta indica cu Aruba ta den pleno

recuperacion, y awor cu a crea espacio financiero Gobierno por cumpli y duna alivio na e pueblo cu a duna nan e confiansa pa saca Aruba for di e crisis.

“E pueblo a duna nos e confiansa pa nos estabilisa e pais despues di e crisis di Covid19 y nos a haci’e. E pueblo di Aruba a pidi nos pa traha riba e progreso di nos pais despues di a estabilisa e pais, y nos a cumpli. Awor nos ta percurando pa e progreso aki wordo traduci den prosperidad den cada hogar di Aruba, den cada cartera di nos ciudadanonan. Esey ta nos meta principal y nos ta trahando duro pa cumpli cu ne.

Nos a priminti y nos ta cumpliendo”, Prome Minister a expresa.

ENTREGAMENTO DI LISTA PA PARTICIPA NA ELECCION



Conseho Electoral Aruba a tene su prome conferencia di prensa oficial, marcando un paso importante den preparacion pa e eleccion programa pa diabierna, 6 di December, 2024. Presidente Sr. Rossi Marchena a informa cu Conseho Electoral Aruba ta fungi como hoofdstembureau durante eleccion y ta un organo independiente di Gobierno y Parlamento. Cargando e responsabilidad pa un eleccion husto y transparente, nan mission ta pa promove confiansa democratico di e comunidad y garantiza integridad den cada eleccion.

Presidente Suplente Sra. Grasita Griffith a elabora tocante e proceso di entregamento di Lista di candidatonan di partidonan politico cu lo tuma lugar diabierna, 18 di October 2024, for di 9’or di mainta te cu 4’or di atardi. Pa asegura un proceso organiza y transparente, e partidonan politico a ricibi e oportunidad pa participa den un loting pa stipula e orario di entregamento di e lista di cadidatonan di partidonan politico pa cu e eleccion di parlamento dia 6 di December, 2024. Na Hoofdstembureau, Schoolstraat #2 por entrega

Orario Stipula	Partido
09:00 AM	Partido HTC (HTC)
09:30 AM	
10:00 AM	Cristiannan Uni Reforzando Potencial di Aruba (CURPA)
10:30 AM	Movimiento Arubano Soberano (MAS)
11:00 AM	Movemento Indigena Arubano (MIA)
11:30 AM	Union Patriotico Progresista (UPP)
12:00 PM	Partido Patriotico di Aruba (PPA)
01:00 PM	RAIZ
01:30 PM	Movimiento Electoral di Pueblo (MEP)
02:00 PM	Arubaanse Volkspartij / Christen Democraten Aruba (AVP)
02:30 PM	Red Democratico (RED)
03:00 PM	Accion 21 (ACCION 21)
03:30 PM	FUTURO (FUTURO)

e lista di candidatonan di partidonan politico digitalmente of personalmente door di e apoderado of e apoderado suplente di e partido politico registra na Conseho Electoral. Tambe por ta presente, un candidato pa e eleccion of e lider di e partido politico. Partidonan politico cu no a logra gana un asiento durante e eleccion ultimo na 2021 mester ricibi sosten di nan lista politica cu 586 persona cual ta 1% di e votonan valido di e eleccion anterior esta 58.610 voto.

Firma pa sosten di lista por wordo haci entre 21 di October te cu 29 di October 2024. Pa mas informacion, bishita e website oficial di Conseho Electoral Aruba na er.aw y sigui nan na Facebook y Instagram

@consehoelectoralaruba. E plataforma nan lo sirbi como un recurso importante pa votadonan, partidonan politico ublico general, pa keda al dia cu anuncianan, fecha nan y guia relevante pa e eleccion di Aruba.

Clasificados

SOLODIPUEBLO@GMAIL.COM
CEL. 585 9500

Parlamentario Marco Berlis (MEP):

FAMIANAN FUERTE: E FUNDESHI DI UN COMUNIDAD SALUDABEL

Den nos mundo moderno, e importancia di famianan fuerte no por wordo subestima. Investigacionnan internacional ta muestra cu famianan fuerte ta e columna vertebral di comunidadnan saludabel, specialmente den lugarnan chikito manera Aruba. Pero kico exactamente ta haci un famia fuerte?

Ingredientenan pa un famia fuerte
Segun expertonan tin diferente ingrediente pa un famia fuerte. Esakinan ta algun:

1. Amor y sosten incondicional ta e base di cualkier famia exitoso. Esaki ta nifica cu miembronan di famia mester sinti cu nan ta wordo stima y aprecia, sin importa kico a pasa.
2. Comunicacion habri y honesto. Famianan fuerte ta crea un ambiente unda tur hende por expresa nan mes libremente, sin miedo di wordo rechasa of critica.
3. Respet mutuo.

Den famianan fuerte, cada persona su opinion y sentimentonan ta wordo tuma na serio. Esaki ta inclui respet pa e rolnan di cada miembro di famia, pero tambe flexibilidad ora cu cambionan ta necesario.

Investigadornan manera David H. Olson, Ph.D y su coleganan a descubri cu:

4. Famianan cu por adapta na situacionnan nobo ta mas resiliente y exitoso.
5. Tempo di calidad hunto ta otro aspecto vital. Famianan fuerte ta haci esfuerso pa pasa tempo hunto, sea ta durante cuminda, actividadnan recreativo of simplemente combersando. E momentonan aki ta yuda fortifica e lasonan familiar y crea memorianan duradero.
6. Un elemento cu hopi biaha ta wordo pasa por alto ta e importancia di coneccion social. Famianan fuerte no ta biba den isolacion: nan ta activamente involvi

den nan comunidad y ta mantene relacionnan saludabel cu amigonan y famia. Esaki ta ofrece un red di sosten adicional y ta habri oportunidadnan pa crecimiento y desaroyo.

7. Balornan comparti ta otro característica comun di famianan fuerte. Esaki por inclui balornan spiritual, etico of cultural cu ta guia e comportacion y decisionnan di miembronan di famia. E balornan aki ta yuda crea un sentido di identidad y proposito comparti. E impacto di famianan fuerte riba comunidad E impacto di famianan chikito manera Aruba ta profundo. Prome cu tur cos, nan ta contribui na estabilidad social. Muchanan cu ta crece den famianan fuerte tin mas chens di bira adultonan responsabel y productivo. Nan ta siña normanan social y etico importante cu ta yuda nan navega e mundo adulto cu exito. Famianan fuerte tambe ta hunga un rol crucial den preservacion cultural.

Nan ta e vehiculo principal pa pasa custumbernan, tradicionnan y balornan di un generacion pa otro. Den un mundo globalisa, esaki ta esencial pa mantene e identidad unico di lugarnan manera Aruba. Ademas, famianan fuerte ta ofrece un red di sosten emocional cu ta invaluable den momentonan dificil. Sea ta durante crisis personal of desafionan comunitario, e sosten cu famianan fuerte por ofrece ta crucial pa e bienestar general di e comunidad. E parlamentario Marco Berlis ta reconoce e importancia di famianan fuerte pa Aruba. E ta un defensor di manehonan cu ta apoya estructura familiar y balornan tradicional. Berlis ta kere cu dor di fortifica famianan, nos por crea un Aruba mas fuerte y resiliente.

Pa conclui, famianan fuerte ta e fundeshi riba cual comunidadnan saludabel ta wordo construi. Nan ta ofrece estabilidad, sosten emocional y un sentido di



pertenencia cu ta esencial pa e bienestar individual y colectivo. Invertiendo den programanan y manehonan cu ta apoya famianan, nos ta inverti den e futuro di nos comunidad. Manera e dicho ta bisa, "Si bo kier yega leu, bai hunto."

Si pueblo desea mas informacion di e articulo aki, contact mi na tel: 528-4639 of email mi na: marco.berlis@parlamento.aw / Bo parlamentario y sirbidor di pueblo na bo ordo semper!

EVA Y GAVIN KOCK DEN TYR GIANTS OPEN 2024

Tawata na final di e entrega di premio cu e atleta campeon di natacion Arubano, Eva Kock, a acerca e maestro di ceremonia Addonsito Croes, gradiciendo e pa e forma di a host cada competencia cu a tuma lugar e fin di siman cu a pasa. Eva a aprecia con e animacion tawata y a entrega Addonsito un di su mas cu 5 medayanan di oro cu el a gana den e competencia.

Addonsito a gradici Eva masha hopi pa esaki como e ta un hoben campeon cu a regala algo hopi personal di dje. Eva, hunto cu su ruman homber Gavin Kock, ta forma parti di Stingray Swimming Aruba y a logra demostra un biaha mas di ta hobennan disciplina cu ta tuma e deporte aki sumamente na serio. "Pabien Gavin y Eva y masha danki pa e regalo unico aki, cu ta haya un lugar bunita den mi cas", segun Addonsito Croes.



MINISTER ENDY CROES A PRESENCIA E DI TRES (3) EDICION DI PROLINE BASEBALL ARUBA DRAFT NIGHT



Dialuna anochi, Minister Endy Croes acompaña pa su kerida esposa Sra. Dilailah Croes – Odor a acudi na e Draft Night di Proline League Baseball. Durante e ceremonia e mandatario di Deporte a hiba palabra, unda cu el a felicita Sr. Kevin James y e comision pa organisa e torneo di Winter League 2024. A presenta e atletay ekiponan cu lo hunga den Future League, Prospect League y Proline League.

“Un bunita proyecto cu

Sr. Kevin James y su team a inicia 3 año pasa y cu Ministerio di Deporte ta sostene”, Minister Endy Croes a subraya. E mandatario di Deporte ta gradici tur patrocinado y stakeholder cu a yuda y a aporta pa hunto logra e proyecto aki. Pa conclui, e mandatario di Deporte ta desea e hungadonan hopi exito den e torneo di Winter League 2024. Cu deseo, disciplina, dedicacion y determinacion ta logra! Hopi exito!



ABO TA CLA PA GANA 2 MIYON 100 MIL FLORIN CU LOTTO 5? SORTEO MIYONARIO TA DIASABRA ANOCHI

18 di oct, 2024: Diaranson ultimo Lotto 5 no a conoce ningun ganado di e prome premio pero si tabata tin 2 feliz ganado cu a gana e segundo premio y cada un a gana e suma di Afl. 11.349,- Pero door cu pa prome premio no tabata tin ganado e jackpot ta sigui crece y pa diasabra awo e suma ta bira 2 miyon 100 mil florin! Lotto 5 ta costa solamente 4 florin pa ticket y bo por combina bo 5 numbernan for di 01 te cu 35, si bo no sa cua numbernan pa kies, bo ta puntra bo rebendedor pa un loco y asina bo ta den wega pa bira e siguiente miyonario y gana e jackpot di 2 miyon 100 mil florin cu Lotto 5.

Corda busca bo Lotto 5 di awe caba, pa asina bo no keda afo di e sorteo miyonario di diasabra anochi cu Lotto, e Loteria di Aruba. Tambe Lotto ta ofrecebo e opcion pa por cumpra bo weganan di Lotto Online, kieren si bo no tin chens pa sali cumpra bo weganan preferi di Lotto, bo por cumpre for di bo smart phone, tablet of bo computer!

Si ainda bo no tin un cuenta di Lotto Online, bishita www.lottoaruba.com, traha bo cuenta di hungado y asina cu bo wordo aproba, bo por cuminsa hunga Lotto online tambe!

Si bo cumpra 2 set di number di Lotto 5 riba e mesun ticket bo ta haya un set di number loco di Lotto 5 adicional Completamente Gratis ariba e mesun ticket! Si bo cumpra 4 set di number di Lotto 5 riba e mesun ticket bo ta haya 2 set di number loco di Lotto 5 gratis! Mas bo cumpra riba e mesun ticket, mas set di number gratis bo ta ricibi y asina bo tin mas chens di gana e premio miyonario aki!

E campaña ta valido te cu dia 30 di november.

Sorteo di Lotto 5 ta hunga diasabra awo pa 7.45PM y por cumpra bo ticket na bo



rebendedor favorito te cu 7.30PM.

Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus, y e diferente weganan di Raspa y Gana y Instacash. Tambe lo por hunga Lotto

Online door di bishita: play.lottoaruba.com pa por registra. Cumprando Lotto bo ta contribui na deporte riba nos isla.

E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

MINISTER GEOFFREY WEVER: A KICK START E DESAROYO DI UN AGRI INNOVATION PARK

Minister Geoffrey Wever ta anuncia inicio di e estudio basa riba e tipo di 'greenhouses' mas ideal, cultivonan prometedor y sondeo di metodonan di cultivo den agricultura comercial na Aruba. E estudio aki ta otro colaboracion hunto cu Hulanda como parti tambe di e maneho di Ministerio di Asuntonan Economico, Comunicacion y Desaroyo Sostenibel pa e desaroyo di industria agricola como un pilar di nos economia. Resultado di e estudio, cual ser financia pa Hulanda, lo bira parti di e maneho pa stimula e industria agricola.

Desde su aprobacion riba 21 di maart 2023 den conseho di minister, e 'Plan di Accion 2023-2025: Aruba su transicion pa un modelo economico sostenibel y inclusivo' ta den ehecucion pa desaroyo empresarial y uzo di tecnologia innovativo den


e sector agricola. Cu e Agri Fund y Agri Business Academy den cooperacion cu Qredits Aruba den pleno ehecucion, riba peticion di minister Geoffrey Wever, conseho di minister a aproba e ampliacion di e Landspakket; e estudio aki den sector agricola y tambe e financiamiento pa ehecuta esaki.

Despues di evaluacion mutuo y cu aprobacion, di tanto Gobierno di Aruba y Hulanda, e compania eschoi Priva / Greengrounds a cuminsa cu e investigacion riba e uzo optimal di "greenhouses" den agricultura comercial na Aruba. Durante e reunion digital cu Priva / Greengrounds y participacion di Departamento di Asuntonan Economico, Santa Rosa y CBS a elabora riba e diferente fasenan di e investigacion. Priva / Greengrounds ta premira cu pa december 2024 tin

e resultado final di e investigacion.

"Mi ta contento cu despues di un periodo di preparacion e investigacion riba e uzo optimal di tecnologia innovativo den e industria agricola. E estudio aki ta completa tur loke mi Ministerio ta haci pa stimula e desaroyo economico y diversifica Aruba su economia. E resultado lo forma e base pa e Agri Innovation Park cu lo trece solucionnan pa pusha e desaroyo di e industria agricola y asina diversifica Aruba su economia", segun minister Geoffrey Wever. Desaroyo di un Agri Innovation Park ta forma parti di e 'Plan di Accion 2023-2025: Aruba su transicion pa un modelo economico sostenibel y inclusivo'.

E aplicacion di e 'Landspakket' como instrumento ta trece estructura pa e desaroyo di pais Aruba y ta



facilita e creacion y ehecucion di varios proyecto concreto na un manera integral. Den e trayecto di 2021 padilanti, e cooperacion cu Hulanda a resulta di ta uno positivo cu a trece beneficio den forma di experticio, ayudo financiero y asistencia tecnico. 'Landspakket' ta un instrumento extra cu Aruba tin na su disposicion por avansa e maneho necesario y realisa e vision economico di Aruba den bienestar di tur ciudadano, y mester percura pa continua haci bon uzo di e cooperacion aki.



MEP TA PRESENTA E LIDERNAN DI MAÑAN

29 CANDIDATO CU UN VISION, ARUBA

6:00 PM PA 8:00 PM

Happy hour y sticker actie cu
Megateca Genie.

8:00 PM

Presentacion Oficial
di Candidatonan

9:00 PM

DURO Entertainment

LUGA

Cede di MEP, Sta.Cruz

18
OCTOBER
2024



@mep.official



@mep.aruba



mep.aw

Partido MEP:

POLITICA NOBO Y MODERNO A DECEPCIONA

MEP ta e unico Partido cu por ofrece estabilidad politico, economico y financiero na nos pueblo

Nos a mira e ultimo simannan di campaña cu e “politiconan” nobo ta perfilando nan mes como e solucion y presentando nan mes como nobo y moderno. Den practica esaki a resulta di ta un decepcion total! Campaña ta den full swing y loke nos a nota ta cu e enfoke keto bay ta riba e hende y no riba presenta un vision cu lo mehora calidad di bida di nos hendenan.

Atakenan baho riba persona y politico sin por ofrece solucionnan pa problemanan. Nos no ta scucha kico lo wordo haci diferente. Si acaso kier bisa cu MEP a goberna malo, kico ABO, como “politico” nobo y moderno lo haci diferente.

Nos a mira con e junior partner Raiz den coalicion ta brasa corrupcion. Con junior partner ta cera deal cu AVP pa bira e coalicion nobo. Un decadencia

formal den politica caminda integridad a keda solamente un palabra bunita cu nunca e junior partner por a cumpli cu ne. Raiz no a kibra e kopie di integridad sino el a kibra e set di servies completo! Na momento cu bo ta vota y cera deal cu un convicto, e ta bisa suficiente di bo moralidad!!

Pesey Partido MEP ta hopi contento cu eleccion ta 06 december 2024 pa asina pueblo huzga esnan cu a purba destrui e pais aki. Nos por ta testigo con un politico cu ta minister di un partido di coalicion ta bay laga e partido y ta keda minister formando parti di un partido di oposicion. Un locura completo, mundo riba su cabez. Esaki ta pone de facto cu mayan no necesariamente bo mester ta candidato riba un lista politico pa bira minister di un partido sino formando parti di un otro partido bo lo por bira minister di un



otro partido.

Pueblo por compronde si ta con bruha politica nobo

y moderno ta! Ta pesey ta importante pa un pais tin estabilidad politico, economico y financiero.

Mep ta e unico partido cu por ofrece esaki na nos pueblo.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



Partido MEP:

E GRAN FAMIA DI MEP TA DUNA BONBINI NA RENE KOCK

“Cu firmesa y autenticidad, cu amor pa cultura”



Diaranson anochi 16 di october, na CEDE na Santa Cruz, Partido MEP a lansa dos candidato nobo riba e lista victorioso pa Eleccion

2024. Un di nan ta señor Rene Kock, un hoben talentoso cu hopi pasion pa cultura di Aruba.



Rene, desde hoben tawata inspira pa un dia por ta un representante di pueblo. Cuminsando for di tempo cu e tawata estudiante na EPI, el a forma parti di varios plataforma politico hoben na scol y tambe como miembro di Parlamento Hubenil unda cu honor, el a sirbi como e prome Minister Hubenil di Cultura. Pa adkeri habilidad organisatorio y siña tocante liderazgo, el a sirbi como Presidente di HOT, e hala hubenil di partido MEP.

Den transcurso di año durante temporada di campaña tambe el a traha di cerca cu lidernan manera señor Nelson Oduber y e lider actual di MEP, Evelyn Wever Croes. Pa hopi tempo politica na un of otro manera a sa di forma parti di su bida y awor, e ta presenta su mes como e candidato pa promove cultura riba e lista prestigioso di MEP.

Rene ta motiva pa sigui aporta na cultura di Aruba. Durante e ultimo 20 año, el a dedica su bida na conserva, promove y eleva tur loke ta di Aruba. El a forma parti y ta sostene varios fundacion y comision di cultura y a sa di organisa varios evento cultural, creando un plataforma unda cu tur hende na Aruba, sin importa edad, genero, preferencia sexual, religion of ideologia politico, por siña mas tocante folklore y tradicion di Aruba.

“Cu hopi amor, pasenshi y dedicacion mi ta asumi e responsabilidad pa educa y planta e simiya di amor y aprecio pa cultura den nos hobennan. Mi compromiso como representante di cultura ta pa traha riba un modelo sostenibel y duradero unda mas fondo por wordo aloca pa cultura y asina mantene nos tradicion y folklore bibo.

Lo mi sigui traha pa crea formanan pa brinda sosten y apoyo na proyectonan existente y nobo cu ta enfoca riba haci cultura atractivo pa nos muchanan y hobennan.

MEP ta e movecion cu Aruba mester, MEP lo demostra un biaha mas cu e ta e partido cu ta traha pa pueblo, den tempo bon y menos bon. Bou liderazgo di Evelyn Wever-Croes, Aruba lo sigui avansa y prospera. Mi t'ey pa sirbi Aruba cu firmesa y autenticidad, cu amor pa cultura! Sin miedo, padilanti!”, Rene a expresa durante su lansamento como candidato nobo riba e lista victorioso di e prestigioso Partido MEP.

Den nomber di Partido MEP, Lider di MEP, Evelyn Wever-Croes ta yama bonbini na señor Rene Kock den e gran famia di MEP.

Otmar Oduber

MESTER PONE UN DEADLINE DI MAXIMO 2 SIMAN PA UN PERSONA HAYA AFSPRAAK CU DOKTER



Durante conferencia di prensa, Secretario General di PPA, Otmar Oduber a elabora riba e ultimo encuentronan sosteni cu entre otro SVB y AZV y tambe riba e ultimo rapportnan conoci pa loke ta trata salubridad publico na Aruba. El a indica cu salubridad publico ta un di e tres puntonan principal cu PPA ta enfocando riba dje hunto cu Plataforma Nos Pais. Durante e diferente encuentronan por a tuma nota di e

disgusto cu tin den comunidad pa cu e calidad di servicio cu tin den medicina na e momentonan aki. E tempo di espera pa por wak un especialista na Aruba ta algo inhusto, e echo cu mester warda 3 pa 6 luna, of tin biaha mas, pa por wak un dokter na nos isla ta algo cu no ta aceptabel mas.

P'esey Otmar ta enfoca riba e echo cu mester pone un deadline di 10 dia of 2 siman pa un persona haya afspraak cu dokter. Esaki lo pone un presion riba AZV y e ta conciente di esaki, pero e realidad ta cu ora ta trata di salud di hende no por bisanan cu pasobra no tin un dokter of pasobra AZV no tin placa, anto e ora tin cu warda 3 of 6 luna pa wak un problema di wowo, di curason of malesa cronico. Den situacionnan asina, loke hopi hende ta haci, ora nan por, ta subi avion y bay exterior pa busca nan salud.

"Nos ta bisa cu esaki no ta aceptabel y manera nos a presenta caba den e plan, esaki ta encera cu AZV tin cu bay habri su portanan. Nos ta e plataforma y partido cu a papia riba diversifica y habri e industria di salubridad aki na Aruba, trece mas competencia na Aruba y crea incentivanan pa esaki tuma lugar y naturalmente percursa pa AZV carga su responsabilidad di tin suficiente dokternan, di tin emedicanan necesario pa nos comunidad y percursa pa duna un servicio tambe di un calidad prima na nos comunidad", Otmar Oduber ta expresa.

Un di e tres enfokenan principal di PPA ta cuido medico na Aruba y e mester bira uno preventivo

Otmar Oduber ta bisa cu mester pasa di un cuido curativo pa uno preventivo, di proteccion unda cu ta traha den forma adelanta riba e situacion di salud di nos pais. E ta añadi cu ta pone hopi esfuerso y placa mientras cu ta sigui hiba awa lamadoor di kier duna servicio medico na comunidad, pero di otro banda no ta bezig ta cuidando nos ciudadania den su totalidad 'at all'.

Tur e rapportnan cu a sali ultimo ta muestra cu obesidad ta sigui suta Aruba. No ta poniendo fondonan disponibel pa atende cu hendenan cu ta sufrir di malesanan cronico manera entre otro sucu y presion, ta conduci na otro malesanan peor ora bira grandi. Esakinan por ta pa medio di por ehempel enseñansa y campananan di concientizacion di con por biba mas

saludabel. Ademas di esaki, gobierno no ta duna ningun incentivo pa productonan cu por pone cu un hende ta biba mas saludabel. Pa menciona algun, percursa pa tin fruta y berdura na un miho prijs, mientras cu di otro banda a wordo papia den pasado riba un sugar tax, pero esaki a keda den olvido pa falta di curashi of cohon di un gobierno of minister pa tuma e decision aki. Esaki posiblemente pasobra hopi biaha factornan

externo ta hunga un rol, manera beneficianan personal di gruponan den comunidad.

"Ta yega momento cu nos mester para fuerte y bisa cu mester pensa riba introduccion di un tipo di sugar tax na Aruba, pero na mes momento percursa pa prijs di productonan cu si ta saludabel y na beneficio di comunidad haya e incentivanan necesario pa por reduci e prijs", Otmar Oduber a declara.

LEY CU TA LIMITA UZO DI PRODUCTIONAN DI TABACO

PROTEHANDO SALUD PUBLICO

6 Ta prohibi pa vende of duna productionan di tabaco na personanan bou di 21 aña

SOLO Di Pueblo

HALA ROSEA LIBREMENTE BREATHE FREELY

PPA Partido Patriotico di Aruba

Apreciado Miembro di Prensa

Diabierna awor mi ta invita abo y bo sernan keru pa join nos na Fort Zoutman pa 11or di mainta, ora cu na un forma digital y moderno, nos lo ta entregando pa 12or di merdia en punto, e lista di partido PPA na Consejo Supremo Electoral.

Bo presencia ta worde aprecia pa asina, na un forma diferente, haci inicio na un epoca nobo den politica.

Despues di entrega nos lista digitalmente, lo introduci e candidato nan na nos comunidad y presenta oficialmente PPA su Vision "Plan NOS Aruba 2025-2050" pa un Aruba Fuerte y Uni.

Di antemano danki y cu Dios por sigi Bendiciona nos Isla.

Saluds,

Otmar Enrique Oduber
Secretario General di PPA

OTMAR TEY!

Riba 19 di oktober '99 Aruba a conoce Unidad di Curason: **Hospital ta recorda 25 aña di Coronary Care Unit**

Ta exactamente 25 aña pasa cu a habri e prome Coronary Care Unit (CCU) na Horacio Oduber Hospital. Un inversion cu awe por ta orguyoso di dje paso Aruba a conoce su prome unidad di cuido coronario (CCU) cu ta un departamento di hospital specialisa den brinda tratamiento na pashentnan cu tin malesa di curason cu ta rekeri cuido di emergencia critico.

Inversion grandi

E tempo ey, e cardiologonan cu tabata forma parti di e inicio di Coronary Care Unit (CCU) tabata un cardiologo for di Corsou, dokter Bloem y dokter van Leeuwen principalmente hunto cu dokter Casper Laclé kende ta esnan cu a bin cu e iniciativa pa e cambionan den loke ta cuido di curason. Frans Figaroa, awrendia pensionado, tabata e prome hefe departamento CCU y un di e motornan grandi tras di e gran inversion aki. Un inversion den cuido medico na Aruba cu sigur awendia por mira cu e tabata uno necesario y sigur cu a crece y inova hopi den e ultimo 25 añanan.

Frans Figaroa a expresa cu e tempo ey a bin cu e departamento debi na e aumento significativo di pashent cu tabata yega hospital cu problema di curason. Pa e motibo ey a bin cu un manera con pa atende miho cu e pashentnan den HOH cu ta yega cu problema di curason. Anteriormente nan tabata bay Intensive Care Unit (ICU), djey a opta pa bin cu un comision cu a hiba e nomber di Cardio Visie. E comision hunto cu e cardiologonan a yega na un acuerdo pa lanta un



Coronary Care Unit (CCU). Riba CCU tabata interna e pashentnan cu problema di curason pa atende nan mas lihe y di un manera mas efectivo rondona di e specialistanan di curason y nurse specialisa.

Nurse specialisa na palabra Colega nurse na CCU Silvia van der Biezen tabata t'ey for di e comienso na momento cu CCU a habri na nos hospital. Silvia a cuminsa bisando cu na un principio nan no tabata specialisa den cardiologia sinembargo nan a haya nan mes ta atende cu pashent cu problema di curason mirando cu na aña 1996 dos cardiologo a bin for di Hulanda. Na aña 1998 a yega e turno pa bin cu un estudio pa asina specialisa e nurse-

nan cu tabata trahando caba y asina poco poco e vision a forma pa habri CCU na Hospital.

Team orguyoso

E cambio di mas grandi cu e pashentnan a experiencia durante e ultimo 25 añanan ta cu e tempo pa atende nan ta mas cortico, pues nan ta haya atencion medico hopi mas lihe pa asina preveni un ataca di curason. Tambe na aña 2018 a cuminsa na HOH cu intervencion cardiovascular pa asina trata pashentnan cu ta haya un ataca di curason. Anteriormente tabata manda nan exterior cu Air Ambulance y despues di 10 pa 12 ora nan ta yega na e centro caminda basicamente hopi biaha ta laat. Awendia ta brinda e servicio local na

HOH mes, pues for di e momento cu e pashent haya un ataca y yega departamento di emergencia ta hiba nan na nos 'hartkatheterisatiekamer' pa habri e ader den menos di 90 minuut.

Gratitud

Yena di emocion durante un entrevista nurse di CCU Silvia van der Biezen a expresa palabra di gratitud na Frans Figaroa, pasobra e tabata esun cu a pusha conhuntamente cu e team di cardiologo pa por a yega asina leu. Algo cu ta haci Silvia orguyoso tambe ta e reaccion di e pashentnan cu ta super positivo cu e avance medico cu a haci na Aruba e tempo ey cu awe ta mira su frutonan. Hunta di Directiva di HOH ta bisa danki na cada colega y

tambe tur ex-colega cu a aporta na loke ta e apertura di CCU 25 aña pasa y claro tur esnan cu a traha duro pa awe nos ta unda nos ta cu un "top of the line" CCU na HOH.

Pabien Hospital, pabien CCU y pabien Aruba!



BO TA DEN E UNICO IGLESIA BERDADERO DI SALBACION DI CRISTO-HESUS OF BO TA DEN UN IGLESIA ROBES?

Bijbel Exodo 24: 7 – 8, den e Evangelio aki, Dios Tata a sera e prome Aliansa cu e pueblo di Israel, pa medio di Moises. Bijbel 2 Samuel 7: 16, den e Evangelio aki, Dios Tata a eligi David, cu ta e prome Rey di Israel. Dios Tata a priminti Rey David cu su sucesornan, nan lo ta pa semper encabesa e Reino di Dios. Pero awor e promesa aki a wordo verifica den Cristo-Hesus, cu ta e Aliansa nobo di Dios Tata cu e pueblo di Israel. Bijbel Mateo 26: 26 – 28: “Mientras nan tabata come, Hesus a tuma e pan, El a gradici Dios. Despues El a tuma e copa di binja, a jama Dios danki pa e copa y a pase pa Su apostelnan, bisando: Boso tur bebe for di dj’e, esaki ta Mi Sanger, e Sanger cu ta confirma e Aliansa cu Mi ta derama pa hopi hende, pa pordon di pikanan.” Akinan Cristo-Hesus ta confirma Su sacrificio y morto na crus, deramando Su Sanger precioso pa e Aliansa Nobo di Dios Tata a cera cu e pueblo nobo di Israel. Bijbel Lucas 1: 32-33: “Senyor Dios lo dun’E e trono di Su antepasado David y te den eternidad lo E ta Rey di e descendientenan di Jacob y Su Reino lo no tin fin.” Bijbel Mateo 16: 15-19: “Hesus a puntra Su apostelnan: Anto boso mes, ta ken boso mes ta bisa Mi ta? Simon a contesta: Bo ta e Mesias, E Yiu di Dios bibo! Hesus a bis’e: Felis bo ta Simon yiu di Huan, pasobra no ta hende a revela bo esaki, ma Mi Tata cu ta den Cielo. Mi ta bisa bo: Abo ta Pedro (osea baranca) y riba es baranca aki lo Mi lanta Mi Iglesia y forsan di fierno lo no podera di dj’e. Lo Mi duna bo e yabinan di Reino di Cielo y loke bo prohibi na tera, ta prohibi den Cielo tambe y loke bo permiti na tera, lo permiti den Cielo tambe.” Akinan Cristo-Hesus ta bisa bon cla, Mi Iglesia, osea un solo iglesia y no iglesianan. E demonionan a lanta diferente sectanan na mundo, pa purba kibra e unico Iglesia di Cristo-Hesus, pero nan lo no logra. Hesus a duna Simon e nomber Pedro, cu ta significa baranca, cabes visibel di Iglesia di Cristo-Hesus. Hesus a duna Pedro e yabinan y esaki ta significa, sera of habri portanan y esey ta e portanan di Reino di Cielo. Hesus ta abasa riba e fundeshi di Su Iglesia, Su apostelnan cu nan sucesornan, nan lo ta pa semper lidernan di e Aliansa Nobo. Hesus a duna Su apostelnan cu nan sucesornan e autoridad Divino, pa habri e portanan di Cielo y invita e humanidadnan di mundo pa dreña. Hesus a duna e autoridad na Pedro, di prohibi na tera, lo ta prohibi na Cielo tambe y di loke ta per-

miti na tera, lo ta permiti na Cielo tambe. Esaki ta e autoridad disciplinario, si ta necesario excomulga, desobediencia na Iglesia. Y tambe pa bin cu e Leynan codigo canonico di Iglesia etc. E unico Iglesia di Hesus mester ta universal, Bijbel Marco 16: 15-16 ta bisa: “Hesus ta bisa Su apostelnan: Sali pasa na henter mundo y predica e Evangelio pa henter humanidad. Esun cu kere y ta bautisa, lo ta salba, ma esun cu no ta kere, lo ta condena.” E palabra, sali pasa pa henter mundo y predica e Evangelio pa henter humanidad, ta significa Universal, kiermeen Iglesia Universal. Hesus ta bisa Su apostelnan, Bijbel Mateo 28: 20: “Lo Mi ta cu bosonan tur dia, te na cabamento di mundo.” Tambe Hesus a establece pa Su Iglesia Universal, e 7 Sacramentonan obligatorio di Dios Spirito Santo, pa ricibi gracionan di salvacion, segun Bijbel. Bautismo, Mateo 28: 19-20. Confirmacion, Echonnan di Apostelnan 2: 1-4. Confesion, Huan 20: 23. Eucaristia, Lucas 22: 19-29. Matrimonio, Mateo 19: 4-6. Orden Sacerdotal, Marco 3: 13-15. Enfermonan, Haco-bo 5: 14-15. Mester compronde bon, cu e unico Iglesia Universal di Cristo Hesus, ta e pueblo nobo di Israel. Hesus ta bisa bon cla, Bijbel Marco 16: 15-16, haci henter humanidad di mundo bira Mi discipelnan y bautisanan, akinan nos mester compronde cu hasta e hudiunan mes mester dreña den e Iglesia Universal di Cristo-Hesus, pa nan por dreña den e Reino di Dios. Tur esnan den Iglesia Universal, nan ta pertenece na e pueblo nobo di Israel di Dios Tata, pa dreña den e Gloria Eterno. Esnan cu no ta kere y cu no ta bautisa, nan lo ta condena.

Scirbi pa Seferino Tromp.
Un mensahero di Dios.



SOLODIPUEBLO@GMAIL.COM
CEL.585 9500





**OLIVE TREE'S
PRE-PAID
FUNERAL PLAN**

PAY AS YOU CAN

Piedraplat ☎ 582 0000
Sanicolaas ☎ 584 8888 | 5820000
Habri dialuna pa diabierna | 8:00am-4:00pm

Olive Tree Social Department ☎ (+297) 743 7411
www.olivetreefuneralhome.com

SUDOKU

					3		6	
2		5						
		3		9		7	2	
6			1		9			
		7				1		
			6		5			7
	5	2		6		9		
						5		3
	4		9					

		8		3		5	4	
3			4		7	9		
4	1				8			2
	4	3	5		2		6	
5								8
	6		3		9	4	1	
1			8				2	7
		5	6		3			4
	2	9		7		8		

Parokia Cristo Rey ta organisa BINGO PA RECAUDA FONDO PA PONE AIRCO DEN MISA



FUNDRAISING BINGO

PAROKIA CRISTO REY

1 Afl 200

2 Afl 200

3 Afl 250

4 Afl 250

5 Afl 300

6 Afl 300

7 Afl 500

8 Afl 500

9 Afl 1000

10 AFL 2000

CU BO APORTE NOS POR LOGRA PONE AIRCO PA NOS MISA STIMA!

CLUB CAIQUETIO
FRIDAY 8 NOVEMBER
8:00 - 11:00PM




No ta un secreto cu nos ta bibando den tempo nan mas calor cu nunca. Esaki tambe ta un preocupacion cu ta bibando pa ultimo aña nan serca e parokiano nan di Brazil. Un calor inmenso ta empedi pa fielnan por bai asisti na celebracion misa. Frecuentemente ta e keho y preocupacion nan cu a lanta bow di e parokiano nan, te hasta orario nan a wordo adapta pa celebra Santa Misa pa evita e calor.















E iniciativa a lanta bow di e propio parokiano nan y grupo di Emaus pa di e forma aki forma un comicion pa recauda fondo cu varios actividad pa pone systema di aire acondiciona den misa. Entre otro a recauda fondo pa medio di benta di cuminda, rifa pero esaki nan no ta duna nos e fondo necesario pa por logra nos meta.


Pa e motibo aki mes dia 8 de november proximo lo organisa un bingo den Club Caiquetio caminda nos ta conta cu sosten y generosidad di nos fiel nan y henter Aruba. Bingo di Parokia Cristo Rey lo ta ariba un diasabra anochi y porta nan di club ta habri for di 6:00 pm en adelante.

Bingo nan ta riba mercado caba serca tur parokiano na rason di Fl.10,= pa bingo. Un total di 10 wega lo wordo hunga e anochi di bingo. Tene na cuenta cu bingo ta cuminsa net 8:00 pm y ta termina 11:00 pm. Bar y cushina ta bon surti y tambe durante di anochi aki nos lo tin rifa di varios doorprizes atractivo pa tur esnan cu asisti. Pa bingo y/o cualkier contribucion por tuma contacto cu Pastor Andry na 567-1122 of 584-7106.

















Paardenbaastraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Anochi - October 17, 2024

 Sorteo # 8374 6315 0711 2986  FP  Sorteo # 7418 4889  X2  Sorteo # 2123 4721  Sorteo # 6177 4215 Cancer  Sorteo # 1107 022  X2	 Sorteo # 2536 0 x Jackpot 2 x Match 4+ 97 x Match 4 2836 x Afl. 12,00  Sorteo # 6626 0 x Jackpot 7 x Match 4 226 x Afl. 8,00  Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00   Sorteo #	03-06-12-16-25 Joker 26 Letter A Proximo Jackpot 2.100.000,- 11-12-13-15-30 Proximo Jackpot 73.000,- 360.000,- Afl. 460.000,- 
--	---	--



Paardenbaastraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - October 17, 2024

 Sorteo # 4421 8567 8630 0527  X2  Sorteo # 4421 8511  X2  Sorteo # 2477 7863  Sorteo # 4421 5194 Geminis  Sorteo # 1295 813  X3	 Sorteo # 0 x Jackpot 0 x Match 4+ 0 x Match 4 0 x Afl. 12,00  Sorteo # 0 x Jackpot 0 x Match 4 0 x Afl. 8,00  Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00   Sorteo #	 Joker Letter Proximo Jackpot 2.100.000,- 73.000,- 350.000,- Afl. 450.000,- 
--	---	--

CADA MONUMENTO RESTAURA DEN SU GLORIA TA CONTA NOS SU HISTORIA

MINISTER XIOMARA MADURO DI CULTURA



Durante e periodo di gobernacion di Gabinete Wever-Croes I y II, bou di e liderazgo di Minister Xiomara Maduro di Cultura varios trabou di restauracion y mantencion di monumento a wordo ehecuta pa Monumentenbureau Aruba y Monumentenfonds Aruba cu aprobacion di Monu-

mentenraad Aruba. A rescata casnan tambe pa conserva nan como monumento di Pais Aruba. E prome monumentonan priva tambe a keda seya of a inicia e proceso pa nan haya nan seyo di monumento protegi di Pais Aruba.

Restauracion a tuma lug na Botica Aruba, Zuidstraat 7, Maria Convent, Warda di Polis Savaneta. Trabounan di restauracion lo tuma lug tambe na Dakota Airport, ex edificio di DOW y na Cas Veneranda.

Mantencion a tuma lug na Ecure Complex, Watertoren

Oranjestad, Nicolaas Store, Forno di Calki, grafnan di Commandeur, School 1888, Stadshuis, Edificio di Corte, California Lighthouse, Henriquez Pand, Weststraat 15 y pronto e edificio na Zoutmanstraat lo keda debidamente manteni.

A rescata y conserva 'Cas Tan Tin' como e prome cas di cunucu cu ta keda conserva como monumento pafo di cuidad. Tambe Cas Veneranda ta bay haya su seyo como monumento protegi di Pais Aruba. E interior di Kapel di Betania tambe ta wordo conserva pa posterioridad.

E prome monumentonan priva tambe a keda proteha, esta Dakota Airport cu pronto lo wordo restaura den su gloria y Kapel di Alto Vista cu ta keda conserva como refugio religioso di nos Pais.



Grease, The Musical: Liganan grandi pa talento di tarima hoben di Aruba

Riba 15 di oktober, Cas di Cultura a tene un conferencia di prensa tan antisipa pa duna un bista interno riba su proximo produccion di fin di aña, Grease: The Musical - Buki, Musica y Letra di Jim Jacobs y Warren Casey.

Presente na e conferencia tabata miembronan clave di e team di produccion, Director di Cas di Cultura Vicky Arens, Co-Productor y Director di Obra Ferdinand Franca, Coreografo Kevin Gumbs, Entrenador Vocal Nicole van Eer, y Director di Banda Jaderick Croes. E elenco talentoso tambe a join e team pa expresa nan entusiasmo y gratitud ya cu nan a invita e isla pa experiencia e magia di Grease e december aki. No tin hopi oportunidad di nivel halto pa hobennan riba e isla den e terenonan di arte performativo. Pa nan, esaki ta toca e "Big Leagues," Sra. Arens ta elabora, y cu door di haya

licencia pa e show aki, Cas di Cultura ta kibrando un barera nobo den presentacionnan di calidad y ta gara mas confiansa internacionalmente. E licencia a wordo duna cu e permiso amistoso di Theatrical Rights Worldwide, LLC 1180 Avenue of the Americas, suite 640, New York, NYC 10036. Sr. Franca, kende ta traha cu Cas di Cultura regularmente, incluso riba Little Stars - Festival di Teatro Infantil, ta un fanatico avido di musicalnan y ta entusiasmo di por dirigi Grease y traha cu e talento maravioso. Sra. Van Eer, un artista musical profesional tambe, despues di a interpreta Maria den West Side Story den pasado, ta orguyoso di mira e bosnan y e autestima di e elenco crese cu cada ensayo. Sr. Gumbs, recientemente bek di a studia baile y traha na Hulanda, ta treciendo e chispa fisico y pikete necesario pa tur e coreografanan. Sr. Croes,



musico y docente di musica na Colegio Arubano, ta lidera e banda cu pasion, y ta orguyoso di mira algun di su alumnonan den e elenco tambe.

Como parti di su compromiso cu educacion di arte y compromiso cu comunidad, Cas di Cultura ta lansa un iniciativa special pa studiantenan di scol secundario. Scolnan secundario rond Aruba ta invita pa participa na un competencia di video creativo, inspira pa Grease. E scol ganado lo risibi un entrada gratis pa wak e musical dia 12 di december, encuraciando un generacion nobo pa aprecia teatro bibo.

Ademas di e alcance educativo aki, Cas di Cultura a partner cu Super Food pa haci Grease mas accesibel ainda pa comunidad. Cumpradonan na Super Food lo tin e chance di gana carchi cu kada compra, loke ta agrega na e emocion rondo di e programa.

Un danki di curason ta bai na tur nos partnernan sostenedor y sponsernan, incluyendo Performing Arts Fund NL, VNO, Harry Koeman Foundation (via e CCG), SIXT Car Rental, Arubabank, Grant Thornton, Rasti Rostelli, DC Tax Solutions, New India Assurance, y CEDE Aruba y nos ta specialmente agradecido na UNOCA, cu via Ferdinand Franca, ta haci e pago husto di tur e coachnan posibel. Un danki special na e

colaboracion fantastico di Scol di Musica Rufo Wever y Colegio Arubano.


No perde e evento emocionante aki! Actuacionnan ta programa pa:

Diahuebs, 12 di December pa 7:00 PM

Diaberna, 13 di December pa 8:00 PM

Diasabra, 14 di December pa 3:00 PM y 8:00 PM

Karchi ta obtenibel awor na Cas di Cultura, Plaza Book Shop, Super Food y Pay.aw. Join nos pa un experiencia inolvidabel mientras Cas di Cultura y Ferdinand Franca orguyosamente ta presenta Grease: The Musical!



ORACION DI DIA



Un dia fructifero colma cu e bendicion y forza di ariba y yena cu Spirito Santo

"Pasobra esun cu Dios a manda ta papia palabra di Dios; pasobra Dios ta dun'E Spirito Santo na abundancia." Huan 3, 34

Dios a manda Hesus pa siña cada un di nos con nos mester biba. Cu nos mester kere y obedece Dios. Kere den Esun cu Dios a manda, acept'E y respet'E.

Ta berdad cu nos ta biba riba e mundo aki pero nos no ta pertenece na e mundo aki. Nada di e mundo aki por duna nos e felicidad berdadero. Solo Dios por haci e hende feliz. P'esey laga nos haci nos maximo esfuerso pa agrada Dios y biba di acuerdo cu Su santo boluntad.

Ban pidi Dios pa prepara nos pa ricibi Esun cu E lo manda for di shelo pa nos mescos cu E la baha riba Hesus riba dia di Su bautismo cu ta e Spirito Santo di Dios. E ta Esun cu ta yuda nos y siña nos loke ta e berdad pa nos keda pertenece na Su reino y nos por ta e testimonio cu ta confirma cu Dios semper ta e berdad. Door di esey nos ta haya un bida nobo hunto cu Hesus cu a resucita canando riba e caminda di bida eterno. E unico caminda, berdad y bida cu ta hiba nos na salvacion.

Oracion: Tata Celestial duna nos e gracia pa acepta, kere y respeta Bo Palabra. Laga Bo Spirito Santo por baha riba nos y duna nos e uncion cu semper Bo tin warda pa nos.

Amen.

Partido MEP:

ALDRIN LAMPE CANDIDATO NOBO PA PARTIDO MEP PA ELECCION 2024

“Ban uni cu Aldrin pa eleva bo futuro. Inova, Inspira y Impacta”.



ORANJESTAD – Diaranson anochi den un cede completamente yen y acompaña pa famia y amistadnan, Partido Movimiento Electoral di Pueblo MEP a lansa Aldrin Lampe como candidato nobo riba lista pa eleccion benidero.

Aldrin, yiu di señor Mirto Lampe, y señora Lorena Lampe, ta un hoben di 29 año, cu a crece den e bario

di Papilon. Despues di a termina su VWO na Aruba, Aldrin a tuma e decision di subi avion rumbo pa Hulanda pa asina sigui cu su estudio. Na Radboud Universiteit na Nijmegen, el a studia Economie en Bedrijfseconomie cu specialisacion den finanzas. Aparte di esaki, el a haci un “minor” den economia y derecho fiscal, y “international management, negotiation and

peacemaking”.

Durante e tempo cu el a biba na Hulanda, Aldrin a conoce su pareha Dyanne Timmermans cu ken awe e tin dos yiu, un mucha muhe di 5 año y un mucha homber di 2 año. Aldrin ta un persona hopi familiar, cu ta disfruta di pasa tempo cu su famia. E ta gusta deporte, e ta core, e ta dedica tempo na su team di futbol Estrella division di honor, y ta train e muchanan di Alpharunners. Recientemente el a forma parti di e Fundacion Beyound Sports Limit Foundation, cu ta un fundacion cu ta stimula e aceptacion y inclusion di atletanan special den diferente deporte.

Actualmente Aldrin ta laborando na SVB. El a a cuminsa como “projectmedewerker” y despues a bira “risicomedewerker”. Den su 4 añanan na SVB el a haya e oportunidad pa sigui diferente curso y tambe haci un estudio den seguridad social unda el a obtene su diploma den Tecnica Actuarial pa Seguridad Social.

“Mi a subi lista di MEP pa representa e ‘young professionals’ y e futuro ‘young professionals’.

Postulando mi mes den e arena politico, mi kier demostra nos hobenan cu si nos kier mira innovacion, evolucion y cambionan positivo den politica y otro areanan, nos tin cu tuma e curashi “to make our voice be heard”. Nos tin cu dal un stap padilanti y demostra cu nos tambe tin e capacidad pa por yuda hiba Aruba dilanti. No sinta warda pa otro hende trece e cambionan. ‘Be the change you wish to see on the island’” Aldrin a expresa.

Lider di Partido Evelyn Wever-Croes na su turno a gradici Aldrin pa acepta e reto di subi Partido MEP pa asina reprenta nos young professionals. El a indica cu Partido MEP ta un famia fuerte y resiliente cu semper tey pa otro. “Mi ta desea bo hopi forsa pa cu e reto nobo aki y gradici bo pa acepta pa uni na e famia di MEP pa eleccion benidero”, Lider di partido e expresa.

NOBENA NA HONOR DI SAN HUDAS THADEO NA

MISA INMACULADA CONCEPCION SANTA CRUZ

Diasabra dia 19 di oktober 2024 ta cuminsa e nobena na honor di San Hudas Thadeo, “E SANTO DI SPERANSA”, Patrono di esnan desespera i di casonan dificil.

Nos ta resa tur dia e Santo Rosario na honor di Mama Maria i despues nos ta resa e oracion di nobena na honor di San Hudas Thadeo.

E Santo Rosario ta cuminsa: Diasabra dia 19 i tur otro dianan pa 6.15 p.m. sigui pa un Santo Sacrificio di Misa pa 7.00 p.m. cu excepcion di Diadomingo dia 20 i dia 27 cu ta pa 7.15 a.m. sigui pa un Santo Sacrificio di Misa pa 8.00 a.m.

Dialuna dia 28 lo ta e fiesta di San Hudas Thadeo. Pa 6.15 p.m. lo tin un Rosario na honor di Mama Maria i cantica na honor di San Hudas Thadeo sigui cu Santo Sacrificio di Misa pa 7.00 p.m.

Grupo di Oracion San Hudas Thadeo Santa Cruz ta invita cordialmente tur deboto di Mama Maria i San Hudas Thadeo i pueblo di Aruba en general pa asisti na e nobena aki. Nos ta resa pa bendicion i paz pa nos Dushi Aruba, pa tur persona respeta opinion di otro awor cu nos ta den campanja politico, pa combercion di pecadornan, crecimiento di fe i tambe pa paz mundial. Ta pidi tur fielnan pa bini cu e buki di nobena pa nos resa i canta for di dje.

MARAVILLAS DE LA FE

SALUD SUERTE AMOR

• BO TA SUFRI DI MALESA NAN CU BO NO POR CURA ?

MANERA ARTROSIS, ALZAHEIMER, EMENCIA, DEPRESSION, DIABETES, OSTROPOROSIS, PARKINSON, INSOMNIO, DOLOR DI BARIGA, WESO. ETC

• BO TA BEBE REMEDIY BO NO TA CURA?

• BO TA VICTIMA DI BRUHERIA?

COMUNICA CU MARAVILLAS DE LA FE NA 7485671

• BO NO TIN SUERTE?

• BO SEN NO TA YEGA ?

• BO TA BAI CASINO I PERDE TUR BO PLAKA?

COMUNICA CU NOS NA 7485671

• BO TIN PROBLEMA DI AMOR ?

• BO PAREHA TA GANA BO ?

FRACASO - SOLEDAT - ANGUSTIA



7485671

